



UNIVERSITÄTS-
BIBLIOTHEK
PADERBORN

Continuatio II. Romæ Sanctæ

Fabri, Augustinus

Augustæ Vind., Anno M.D.CC.XXX.

No. LXXXVIII. Petrus Aloysius Caraffa Neapolitanvs.

[urn:nbn:de:hbz:466:1-72647](#)




Petrus Aloysius Caraffa Neapolitanus, Archiepiscopus Larissæ,
Sac. Cong. Episcoporum, et Regularium Secretarius S.
R.E. Presbyter Cardinalis creatus à SS^m DN. BENEDICTO
PAPA XIII. in Consistorio secreto die 20. Septembris. i 7 2 8.

Cum Grat. et Priv. Sac. Cœs. Maj:

Iohann Christoph Kolb exc. a. v

68.





No. LXXXVIII.

PETRUS ALOYSIUS CARAFFA NEAPOLITANVS.

Petrus Aloysius Caraffa, Sacrae Romanae Ecclesiae Presbyter Cardinalis tit. S. Laurentii in Pane & Perna Archiepiscopus Larissæ, natus est Neapoli anno 1677. 4. Julii pretiosissimus iste in maximas spes fructus de stirpe & antiquitatis decore, & nobilitatis splendore nulli Neapolitanorum facile secundus oriundus. Circumspicientium Hesperides hujus florentissimæ prosapia oculis non occurunt, nisi ornamenta triregni summae Pontificiaæ dignitatis, Cardinalitiae splendentis Purpuræ nitores, Mitram pedorumque decora, Dynastiarum moderamina, virtutum heroicarum incrementa, Belli ducum palmas, Sophiæ Theosophiæque principes, generositatem spirantes, ac magnanimitate animatas statuas, vivos denique doctæ, togatæque Minerva, & Astrææ asseclas. Illustrissimæ hujus familiae nonnulli ducunt originem à regio sanguine cuiusdam Regis Poloniæ, alii à quodam Nobili Neapolitano Equite, inclytæ domus Carracciolorum maximo ornamento, qui circa annum millesimum Germani Imperii Cæsari Othoni egregiam in bello navavit operam, & pectoris sui robur hostium telis, ne Imperatorem impeterent, objiciens, mortem vulneribus decoravit, illæso servato Othono, qui reperto, visoque sub cumulo occisorum exsangui fui conservatoris corpore, equo descendit, tactoque tribus suis regiis digitis recenti adhuc ex plagiis stillanti cruento, in hæc verba suspirans prorupit. O cara fæ! hoc est: o chara, ac pretiosa fides! quibus sub verbis suos detergens digitos, tres in thorace emortui signavit lineas, inde illustrissima hæc familia occasionem est nacta, & nomenclaturam Caraffa, & gentilitiæ suæ parmæ insignia gestandi, expressa tribus albis trabibus Austriacis Insignibus haud absimilibus. Quo ex tempore hæc illustrissima familia rapidi Paradisi fluminis instar effusa, totum regnum Neapolitanum exterásquet terras, dum sua nobilitate complectitur, cœlesti quadam voluptate oblectat, suisque virtutum oblectamentis non patrium dumtaxat solum recreat, Ecclesiam orthodoxæ Reipublicæ adornat, summam Pontificiaæ dignitatis sedem decorat, sed & Imperatorum Regumque aulas in admirationem rapit. In admirationem rapuit potentissimum Hispaniarum Regem Philippum secundum, editis non paucis in Belgia sub Duce Parmensi in hostium turmas stragibus, ac dirutis munitissimis civitatibus, Castrisque Hieronymus Caraffa supremus altefati Regis copiarum Locum-tenens, magnanima certè Martis soboles, ac Principum in aulis deliciæ. Unde & Archi-Duci Alberto acceptissimus fuit ob armorum præstitia

Sss

in-

insignia Austriacæ Domui obsequia relictis ubique per Boëmiam, Mediolanum, Un-gariam, Alsatiæ, & Romanum Imperium generosi sui Spiritus gloriofis vestigiis, quibus permotus Imperator Ferdinandus secundus eum Sacri Romani Imperii Prin-cipis dignitate auxit. Sileo innumeros alias Heroes in hodiernum usque diem in-victo animo Deo, Cæsarique obsequentes, quorum meritis ut mundus angustior est, ita præclara eorum gesta integra non capiunt volumina. In admirationem rapuit Imperatoriam Viennæ in Austria aulam 1665: Antonius Caraffa, armorum ex-perientia nulli Heroum secundus, qui capto Augustissimi Imperatoris Leopoldi felicissimæ memoriae animo ad summas armatæ Palladis dignitates evectus est: eni-tuit in eo excellentissima quædam in rebus maximi momenti perficiendis pruden-tia. Hinc Turcica Luna Viennam 1683. arcto armorum circulo obsidente, Anto-nius Caraffa ad Regem Poloniæ ablegatur pro ferendo militari auxilio solicitaturus, quo felicissimè impetrato, Vienna ab obsidione soluta est. Arma deinde secutus Cæsarea, quæ Turcam victorioso ubique per Regnum Ungariæ strepitu conteritum persequebantur, omnibus fermè Ungaricarum urbium expugnationibus interfuit bal-teo suo inimicorum in sanguine tincto: factus exinde summus vigilum Præfectus to-tus in eo fuit, ut tumultuantem Transilvaniam vi|ictoris
 Aquilæ alis subderet. Anno 1687. potitus est Agriâ, & anno subsequenti Mungatiô, aucta in dies ipsius merita fidemque remuneratus est Imperator honorifcentissimo supremi Commissarii mune-re Cæsarei exercitus, experta ultimò est expugnata Alba Græca hujus Archistrategi bellicosam virtutem, qua comite Viennam rediens aurei velleris decore ab Imperato-re exornatus fuit, quo favore Antonius summopere delectatus, uti in Ungaria su-perba Turcicæ Lunæ cornua fregit, ita Gallo tum in Germania, tum in Italia victo-riæ vocem virtutisque nervos elicit, dignusque habitus, ut, qui Augustissimæ Aquilæ inimicos hinc atque inde propulsarat, in supremum honoris gradum actualis intimi Cæsarei Consiliarii sublimaretur, quo in munere singularis ejus prudentia Cameram Imperialem miris suavibusque modis novit thesauris augere, ipse verò exhaustis vitæ annis ut orbem suo valore, ita tumbam immortalitate nullo quidem sua virtu-tis hærede relicto, implevit 1693. Viennæ demortuus, sequacibus autem de sua fa-milia, heroicorum facinorum quam plurimis Archistrategis, Proregibus, & Guber-natoribus, qui commissas sibi provincias regendi magnificam Parthenopem ita ad-ministrarunt, ut optimis floreret artibus, concives gauderent in ea legum suavitatibus. Quæ lingua calamusve satis unquam encomiis celebrabit & vitæ sanctimoniam, & indefessam solertia in Alexandri Caraffæ Archiepilcopi Neapolitani, qui præde-cessorum suorum Ordinationes Synodales ritusq; suæ Ecclesiæ congestos publicæ luci reddidit, quos Albertus de Oliva doctissimis illustravit Commentariis, opus triginta annorum? Cujus eloquentiam non defatigabit Antonii Caraffæ Cardina-lis sapientia, & altitudo ingenii, quo sacræ textus difficiliores paginæ intellectu fa-ciliiores reddidit & Concilii Tridentini dogmatum oracula declaravit, præses hujus singulari Pii V. instituto erectæ Congregationis? in flore namque juventutis sacræ Themidis candidatus atque profanæ, in utroque jure simul unaque in historiis Ec-clesiasticis adeò profecit, ut, si illa perire, istas memoriâ hominum elabi contin-geret, in ipso solo legum apices, & veterum monumenta reperiire fuisset. Hinc vivum animatumque librorum quasi receptaculum à Gregorio XIII. Pontificiæ Bi-bliotheçæ præficiebatur. Quo in officio constitutus varia opera transtulit ex Græ-co in idioma Latinum, nominatim catenam veterum Patrum in Cantica, veteris & novi testamenti Commentarios, Theodoreti in Psalmos, D. Gregorii Nazianzeni Orationes & plura alia. Perlustravit insuper Biblia 70. Interpretum & à mendis cor-recta, ipse suis notis decoravit, collegit Decretales Pontificias in tria volu-mina, & D. Hieronymi epistolas in locos communes distribuit, relictis post se aliis ad-huc ingenii sui monumentis, quæ doctissimis viris in admirationem raptis etiamnum in summè arduis dubiis deserviunt. Usi-

Usitatum quippe Regno Neapolitano est iñanes in lucem edere ingeniorum Delphinos Christiano orbi beneficos, conceptui virtutum idoneos: nam excepta Roma, & Florentia nulla urbs plures parturivit Vaticano summos Pontifices, quorum sex numerantur, atque Neapolis, nimirum Bonifacium V. Sanctorum fastis adscriptum, Urbanum VI. Bonifacium IX. Joannem XXII. Paulum IV. & Innocentium XII. non numeratis illis, quos Campania deliciarum hortus protulit, & Urbs Beneventana produxit, vide fol. 35. sacrorum verò Purpuratorum Principum penè non est numerus, sola namque illustrissima Domus Caraffiana cum moderno Eminentissimo, progenuit undecim purpurâ dignissimos Cardinales, totidemque Archiepiscopos, qui doctrina enituerunt eximia, Ecclesiæ orthodoxæ Rempublicam sanctissimis illustrarunt monumentis, populos ad omne pietatis exercitium exercent, vitia extirparunt, abusus eliminarunt, &, quidquid ad virtutis meritum perducit, ipsi suo exemplo præiverunt: quos inter veluti coruscantia sydera resplenduit ut sol summus Pontifex Paulus IV. & ipse de stemmate Caraffiano, vir integerrimæ vitæ, doctrinâ celebris, sacrarum linguarum peritus, recti justique tenax, vero Apostolico inflammatus zelo, depravatos Cleri mores Regulariūmque reformavit, non respiciens ad carnem & sanguinem, sed justitiæ trutinam, etiam arctissimo sanguine sibi conjunctos, delinquentes autem, suaque Clementia abutentes, exutos priùs omni honore, ac dignitate in exilium ablegavit: sanctissimis haud impar Pontificibus antecessoribus in sanciendis saluberrimis institutis, morumque erectione in ædificationem & ornamentum totius Christiani orbis.

Primus ex hac illustrissima familia Cardinalitiam Purpuram illustriorem redidit Philippus Caraffa, vir pietate eximius, ac litterarum doctrina in omni genere celeberrimus, is, postquam præstantes animi sui dotes universæ Romæ conspicuas fecit, Archi-Diaconatus dignitate in Ecclesia Bonnoniensi decoratus, mox ibidem totius Civitatis votis summo annuente Pontifice in Episcopalem sedem sublimatus fuit, nec longo temporis intervallo ab Urbano VI. ut Bonnoniensium animos sibi reconciliaret, Presbyter Cardinalis titulo S: Martini in Montibus creatus est, missa Bonnoniam purpureo Galero, quem Joannes Lignanus jurisconsultorum suæ ætatis facile princeps, summaque in illa Urbe pollens auctoritate in sacra æde Divi Dominici solemníitu dignissimo ejus capiti imposuit. Dum anno 1383. 12. Kalendas Martii Fratres Prædicatores in præsentia Philippi Cardinalis, ac Bonnoniensis Magistratus sanctissimi Patriarchæ D. Dominici caput ex arca extraxerunt, & argenteo loculo pro commodiōri Ecclesiæ & devoti populi usu, pietatis erga sanctum exercendæ causâ condiderunt, mirè coruscans stella supra Ecclesiam in omnium oculis apparuit, quæ, ut animos civium ad singularem Religionem erga Sanctum Confessorem accedit, ita Purpurati Ecclesiæ Romanæ Principis Philippi cor inflamavit, ut sacrum pignus in comitatu Procerum Bonnoniensium, totiusque Civitatis solemníitu Religionis pompa per plateas prosecutus sit. Tandem verò 1389. cùm Civitas Bonnonensis pestilentia aura afflata magnam suorum civium stragem passa esset, etiam Philippi sui fidelissimi Paitoris, qui pro sua in cives charitate undique accurrens, solatia pietatis & æternæ salutis medicamina morituris instillarat, lue correpti jacturam cum summo omnium mœrore subiit.

Fatiscit planè calamus, & feliciter tantorum virorum in purpura perditus, encmia suspendit meritorum, virtutumque nunquam sati laudandorum Cardinalium Marii, Olivieri, Caroli, Joannis Petri, Diomedis, Fortunati, Petri Ludovici ortorum in Cœlo Caraffiano splendidissimorum syderum. Vincentium tamen Caraffam silentio præterire nequeo, qui, quò honoratio, tanque honoris sui contemptor, titulo alio & nominis sui splendore non delebat magis, quam genuini servi JESU. Hinc ut expeditior esset in tanti sequela Domini, victo Vincentius mundō institutum amplexus

est Societatis IESU anno 1604. Neapoli in suo nativo solo fusis ex cathedris divinæ Sapientiæ oraculis, & è sacris suggestis admirabili dicendi vi ad omnem pietatis, ac Religionis normam audientium erexit animis Collegio ibidem gubernando præfiebatur, deinde præpositus Domus professæ, tandem verò totius sui Clericalis Ordinis unanimi calculo in Generalem assumptus est, quo in munere non solùm totus impensis erat sacri sui imprimis Ordinis conservando illibatae vitæ decori, ac Missinibus dilatandæ Orthodoxæ fidei, sed & beneficentia in pauperes adeò applicatus erat, ut anno 1649. grassante Romæ fame ad mille hominum ante Collegii fores, quò melius potuit, exsaturaverit panibus, nihil interim dempto tempore ab affidua doctissimorum librorum conscriptione, quibus sub nomine Aloysii Siderii se orbi conspicuum reddidit.

Felix itaque, tercè quatèrque beata Caraffiana inclyta prosapia, quæ tales ac tantos progeniuit viros, quibus & politicum & Ecclesiasticum cœlum fulciebatur, & hodiecum novo ipsum decorato purpurâ fulcro, immobilis columnæ instar fulcit Eminentissimus ac illustrissimus Petrus Ludovicus Caraffa Sacra Rom. Ecclesiæ Presbyter Cardinalis tit. S. Laurentii in Pane & Perna. Is teneris ab annis suæ adolescentiæ Romam missus ingenii sui subtilitate, ac perspicacia nobilis sui genii admiranda, scientiarum apices transcendit, Pontificiorum Decretorum præsertim, Legumque civilium abstrusa brevi adeò tempore penetravit, ut prompta lingua, & calamo prompto, utriusque Astreæ mentem interpretari noverit. Mira semper pietas, morumque gravitas, ac fervens Religionis zelus in eo reluxit adjuncta facundiæ comitate, qua, quam in cumque partem vellet, pronas omnium voluntates Orator magnificus pertraxit. Quare in Clericum de Camera Apostolica assumptus, & polemicæ Theologiæ armis optimè instruitus à Secretis in propagandæ fidei congregatiōni adhibitus est, Archiepiscopali dignitate Larissensis Ecclesiæ fulgens, & aliis in summam Ecclesiæ Romanæ utilitatem honorificis officiis excellenti quadam prudentiæ prærogativa functus, S. Officii Consultoris, & Episcoporum, ac Regularium Congregationis Secretarii munere auctus, tantem verò à sanctissimo Pontifice Benedicto XIII. Petrus Aloysius Caraffa optimè de Sacra Romana Ecclesia meritus ad Cardinalitiam dignitatem electus est die 20. Septembris 1728. O quem decorem Purpura accipit ab eo, cuius illustrissima familia originem trahit ex purpureo pro fide Cæsariorum & orthodoxæ Ecclesiæ fuso sanguine! vive Petre, & in carne Angelice Aloysi, fulci fidem, quam nomine, rēq̄ firmiter tenes, immobilibus in gentilitia Caraffianæ familiæ parma expressis trabibus, Christus ipse orat prote, ut nunquam deficiat fides tua.



No.